

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 66 (1981)

Heft: 17

Vorwort: Remarcas redacziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

En siu raquen «Cu jeu hai piars la cardientscha» presenta *Hendri Spescha*, Domat, puspei ina da quellas reminiscenzas plein humor ed affecziun ord siu temps d'affonza a Trun. – Per castitg stueva Sisifus, in retg ord la detga greca, adina puspei stuschar in crap dad ina spunda si, pertgei cu quel era sisum ruclava el mintga ga engiu. Il text da stud. fil. *Leo Tuord* da Rabius cul tetel «Sisifem» illustrescha quei sestentar van è el mintgadi hodiern. Cun la «Vernissascha» e sut il pseudonim *Curdin Cudriel* fa in autur relativamein giuven l'emprova d'ina «reportascha» en ina fuorma tier nus plitost nunusitada. Siu giavisch da restar en l'anonymitat motivescha el cul fatg ch'el hagi – abstrahau d'enqual lavuretta cumparida tscheu e leu – aunc buca giu la caschun d'ina confruntaziun cun in cumin da lecturs pli vast. Forsa che quella emprova porta in sinzur ni l'auter. En ina lavur empau pli extendida sefatschenta lic. fil. *Pieder Simeon*, Sevgein/Trun, cun problems dils giuvenils. Siu artechel «Davos las culissas dallas revoltas dils giuvenils» sebasa sin las tesas dalla Cumissiun federala per damonda dalla giuventetgna ed ha oravontut en mira ils problems en connex culs conflicts a Turitg. *Marius Spescha*, directur dalla Casa d'affons Depuozi a Trun, ei di per di en contact cun impedi e cun lur problems. Ord quella posiziun presenta el «Zacons patratgs a caschun digl onn dils impedi». Pader *Silvio Deragisch* da Sedrun a Turitg ei engaschaus ella pastoraziun dils suords el cantun Turitg. Cun el ha sora *Florentina Camartin* fatg ina intervesta davart «Ils impedi en nossa cuminanza cristiana». *Ezechiel Paulin* ei dapresent plevon ad Alvagni, el ei denton staus biars onns missiunari en Brasilia. Siu artechel «Clom e pensum missiunariic dalla baselgia en nos dis» ei lu era inspiraus da quellas experientschas persunalas. *Aluis Defuns*, Trun/Cuera, ei dapi zacons onns tecnicher d'excavaziuns tier il Survetsch archeologic cantunal a Cuera. En sia lavur «Il survetsch archeologic grischun» dat el ina survesta sur dils pensums da quei impurtont institut e davart las metodas da lavur. Puspei ha *Norbert Berther* cumpilau la cronica e la gliesta da cudischs sursilvans.

Egl Ischi semestril nr. 14 vein nus fatg beinvegni al niev conredactur *Paul Decurtins*, ed ussa stuein nus gia prender cumiau dad el. Sia mort nunspitgada mutta era per la redacciun digl Ischi semestril ina zun gronda sperdita. Nuslein seregurdar dad el en engrazieivladad ed attaschadad. Dapli el necrolog sin las paginas che suondan.

